

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 419417 22 St
Tuzla, 29.08.2022. godine

Općinski sud u Tuzli, sudija Ilvana Delić kao stečajni sudija u stečajnom postupku nad stečajnim dužnikom **„MEKA-TRADE“ d.o.o. Živinice, za proizvodnju, promet i usluge, ul. Priluk bb, sa Prodavnicom br.1 Poljice**, nakon provedenog stečajnog postupka donio je dana 29.08.2022. godine sljedeće

R J E Š E N J E

OTVARA SE stečajni postupak nad imovinom dužnika **„MEKA-TRADE“ d.o.o. Živinice, za proizvodnju, promet i usluge, ul. Priluk bb**, matični broj subjekta 1-8820, JIB: 4209284840004, račun broj: 1321100309124744 otvoren kod NLB banka dd Sarajevo.

Za stečajnog upravnika imenuje se Maja Musemić iz Tuzle, ul. Maršala Tita br. 60.

ZAKLJUČUJE SE stečajni postupak nad imovinom dužnika **„MEKA-TRADE“ d.o.o. Živinice, za proizvodnju, promet i usluge, ul. Priluk bb**, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem Općinskog suda u Tuzli broj 32 0 St 419417 22 St od 22.03.2022. godine, pokrenut je prethodni postupak radi utvrđivanja uslova za otvaranje stečajnog postupka nad imovinom društva **„MEKA-TRADE“ d.o.o. Živinice, za proizvodnju, promet i usluge, ul. Priluk bb**, a za privremenog stečajnog upravnika imenovana je Maja Musemić iz Tuzle, a sve temeljem člana 61. Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 07.06.2022. godine. Uvidom u izvještaj o provedenom prethodnom postupku i u svu naknadnu dostavljenu dokumentaciju od strane privremenog stečajnog upravnika sud je našao da obaveze prikazane u izvještaju privremenog stečajnog upravnika a koje proizilaze iz knjigovodstvene evidencije iznose 65.428,00 KM odnose se na neplaćene obaveze za poreze i doprinose na platu, dugovi dobavljačima, finansijskim institucijama kao i ostale obaveze. Uvidom u izvještaj utvrđeno je da društvo neraspolaže imovinom. Transakcijski računi društva su blokirani od 2010. godine i na istima nema sredstava, a stečajni dužnik prijedlog za pokretanje stečajnog postupka nije podnio u roku od 60 dana od dana nastupanja platežne nesposobnosti.

Dakle, privremeni stečajni upravnik nalazi da podnosilac prijedloga za otvaranje stečajnog postupka nije podnio prijedlog u roku od 60 dana od dana nastupanja platežne nesposobnosti, da postoji stečajni razlog za otvaranje stečajni postupka predviđen članom 6. stav 2. i članom 102. Zakona o stečaju.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl. novine F BiH“ broj 53/21), a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je rješenjem od 06.07.2022. godine pozvao predlagача, povjerioca i sva zainteresovana lica da u roku od 30 dana od dana objavljivanja poziva u službenim novinama uplate iznos od 1.500,00 KM na ime otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagач, povjerioci i sva zainteresovana lica, objavljeno je u Službenim novinama F BiH broj 58/22 dana 22.07.2022. godine, oglasnoj tabli suda dana 07.07.2022. godine i na web stranici suda, kojim se objavama javni poziv smatra dostavljenim.

Obzirom da u ostavljenom roku koji je propisan zakonom predlagач, povjerioci ili neko od zainteresovanih lica nije izvršio uplatu predujma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

STEČAJNI SUDIJA
Ilvana Delić

POUKA O PRAVNOM LIJEKU:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objavljivanja rješenja u Službenim novinama.